



BOLETIN VAREN NO. 2020-04

JUNI 2020

Introdukshon

Awe nos tin un otro edishon di Boletin Varen nos dilanti. Danki pa e bon reakshonnan riba nos último boletin. Ora Racheal a lesa tokante *Helminthostachys Zeylanica* ku ta un of dos blachi so e tin ela pensa ku e varen ta laf te ora ela mira e bunitesa dje blachi.

Nos ta sigui kumplí ku petishon di miembronan ku tin gana di wak i tende tokante varen straño ku bo no ta mira fasil na Kòrsou. Den e edishon di awe i e sigiente edishonnan nos lo sigui purba komplasé nan. Mi mester bisa un biaha mas ku varennan poko komun, nos no ta mira nan fasil sea dor ku nan ta di un zona diferente foi esun di nos pasobra nan lo no por ku nos klima kayente of nan ta den ekstishon/skars den nan propio pais of nan ta karu pa kumpra. Kon tal nos lo para ketu na algun tipo ku ta kai bou dje kategoria di **poko komun/rare** of difísil pa kria na Kòrsou pa motibu di nos klima.

Tirando un bista den nos greenhousenan nos lo elaborá riba algun di nan den e tempu ku ta bin.

Adiantum Pedatum* var. *Aleuticum

E varen aki tambe ta konosí den merkado komo Western Maidenhair fern. E ta konosí tambe bou dje nòmber *Serpentine maidenhair* of *Five-fingered fern*. E varen aki ta bira entre 10 cm pa 75 cm haltu. E bunitesa dje varen aki ta sinta den e hecho ku su blachi ta bira un forma di waaier (fan shaped) of bo por bisa tambe ku e tin forma di un man habrí. Su stèngel ta kolo pretu i su blachi nobo ta kolo hél/maron kla.

E ta nativo prinsipalmente foi nòrt wèst di Merka foi e islanan Aleutian di Alaska te na Chihuahua (Mexico). Tambe bo por mira nan na New Foundland i Vermont ku ta na e parti nòrt óst di Merka. Riba su mes e *Adiantum* aki no ta den ekstishon pero aki na Kòrsou ta difísil pa e keda bibu pa motibu di nos klima. Ta pesey nos por kategorisá e varen aki komo “bijzonder” na Kòrsou. E ta di zona 4 pa 8.

E gusta tera fertil yen di blachi biew i humedo of e ta sinti su mes mas dushi den skér di piedi. E gusta poko klaridat, humedat haltu i hopi sombra. E ta biba na nivel di laman den Nòrt di Merka i mas den suit te na alturanan di 3200 meter. Bo ta mira esaki tambe kantu di waterval.



Adiantum Pedatum var. Aleuticum

E varen aki ta saka su blachinan plamá foi otro. Kada poko distansha un stèngel nobo ta sali ku su blachi nobo. Esaki ta hasi e adiantum aki diferente foi tur otro. E blachi por bira saka 6 te 10 “dede” pa forma e man.

Na Merka hendenan gusta usa e varen aki komo adòrno den kurá. E ta pone nan pensa ku nan ta kantu di Waterval.



Blachi yong kolo hél/maron kla

Indjannan tabata usa e blachi pa hasi diseño di makutu. Tambe e tabata wòrdu usá komo té pa laba kabei. Indjannan na California ta usa e blachi ku su stèngel na nan buraku di orea huntu ku pluma. Uso dje stèngel tambe a sirbi pa evita p’e buraku di orea sera. Komo remedi tambe e ta konosí. Indjannan ta kou e blachi pa trata heridanan interno, dolo na pechu i problema ku stoma. Tambe nan a traha stropi di dje pa tosamentu.



kolonia di blachi separa foi otro

Mi mester bisa ku dia nos nos a kumpra e varen aki varios aña pasa i pega esaki na muraya ela bai mama maria te ku nos a pone e makutu na suela poko skondí te ku nos no a kòrda riba dje mas. Derepente ora Sue a korda i dal den e makutu ela ripara un varen chiki straño. Nos mes a lubida ta kiko e por ta te dia nos a identifiká e varen. Ya pa algun aña e varen a keda na mesun luga den sombra i ku poko klaridat i hopi humedat rònt di dje. Mi ta duné awa kada 4 dia pero mi ta mantené humedat rònt di dje. Tin biaha mi ta benta poko blachi putri p'e haña. E ta poko lidia pero ta un di mi faboritonan.

Den nos próksimo edishon nos lo sigui elaborá riba un of algun varens poko komun. Nos ta spera ku boso a disfruta dje edishon dje luna aki.

KEN MI TA?

E dianan tras di lomba boso a papia hopi riba mi famia. Ban wak si boso sa ta ken mi ta. Na final dje boletin boso por mira e kontesta korekto.

Ken mi ta?



- A. Nephrolepis
- B. Davallia
- C. Microsorium
- D. Pyrrosia

Den kaso boso tin remarke, opservashon of pregunta riba e tópiko ku nos a trata awe laga nos sa!

Redakshon: Pedro Atacho pa Asosashon Pterophyta

Reakshon na: pedroatacho@gmail.com

Kontesta korekto ta A